

Суббота, 15 март 1941 ар
22 № (833)
11-тй АРЗЭ ПОТЭ.
Дуныз: толэзьлы 45 коп.

УДАРНИК

ВКП(б)-лэн М-Пургинской
Райкомезлэн но Райсоветлэн
органы.
—(Адрес: с. М-Пурга, УАССР)—

Тулысэз быдэсак дась луыса пумиталом

ВКП(б)-лэн XVIII-тй Все-союзной партийной конференцией Вознесенский эшлэн докладэз'я 1941 арын СССР-ысь Народной хозяйстволэн развителизлэсь планзэ юматиз. Планын, сельской хозяйствоя разделаз, верамын, что 1941 арлэн планэныз пусйиське сельской хозяйстволэн валовой продукциялэн азылане будонэз. Тусё юлэн культураезлэн валовой продукцияез, тужгес ик урожайность чотэ, 1941 арын луыны кулэ 7 миллиард 900 миллион пуд ёрос.

Та задачеаз азинлыко быдэстыны понна асьме районысь колхоз'ёслэн луонлыксы бадзымесь, со луонлык'ёсты уже шонер кутэм гинэ кулэ. Вылй урожай будэтонлэн основаез луэ тулыс ю кизёнлы но гужем бусы уж'ёслы дасяськем бордын. Макем умой дасяським тулыс азелы, сокем ик быгатом вылй урожай будэтыны.

Каня ке факт'ёсын возьматонно луэ тулыс ю кизёнлы дасяськемлэсь мынэмэз. Тусё но бобовой культураослэсь кидыссэс кистьон'я уж кылем арын сярэсь кённылы ке умойгес, план 101,6 процентлы быдэстэмын. Но та лыдпусэн асьмеос нокызы но буйгатскыны ум быгатиське. Вылй урожай будэтыны понна кулэ на кидысэз кондиционностез'я I—II классозь вуттыны. Тани та удысын тырмытэосмы бадзымесь на.

Районной семенной лабораторилэн кидыслэсь хозяйственной годностьэ эскеремез возьматэ, что районыны кизыны ярамонэз кондиционной кидыс 62,5 процент гинэ, 37,5 процентэз некондиционной. Со пöльсэ 33 процентэз сорно тез'я не кондиционной луэ. Тини та возьматэ, что колхоз'ёс кидыссэс чылкыт шертон понна уг сюлмасько. Кидысэз шертон туннэ нуналлы 95 процентлы гинэ быдэстэмын. Та уж тужгес но урод мынэ Пытцямской, Аксакшурской, Ср-Кечевской сельсовет'ёсын. Ворошиловлэн нимыныз нима колхозын триумф но триер сортировочной машинаоссы вань выльсь класной кидысы 1 грамм но ёвл на. Сортировкаос нуналаз 3—4 час сян уг ужало. Нош сельисполкомлэн председателез Рогожин но колхозлэн председателез Михайлов—коммунист'ёс сыче уж

луыса но буйгатскыса уло. „Заря“ колхозын (председателез Емельянов) 43 центнер чабей но 90 центнер сезы кидысы уг тырмы. Та колхоз ог'я районной лыдпус сёры ватскыса улэ.

Тырмыт дасямын ёвлна технической культураослэсь кидыссэс дасян. Уг тырмы картошка но мукет бакча сион кидыс'ёс. Та удысын колхоз'ёслэн председателёссы одйг но уг сюлмасько, кылем тулысэз туэ но асьсэлы урокен ёз каре. Жоген сюрес бырыны кутскоз, нош асьмелэн кидыс воштон'ёс быдэстымтэ. Озы ик чиданы луонтэм каллен быдэсме бусые кыед поттон, минеральной удобрениосты ворттон но интысь удобрениосты дасян.

Вань та тырмытэосты палэнтон борды али ик ём ке кутске но соосты ём ке быдтэ, кылем арын семен, тулыс ю кизён кемалы кыстиськоз. Районысьтымы азымынсьёсыз колхоз'ёс: „Янгалиф“, „15 лет Удмуртии“, „Шор-муч“, „Красная заря“ но данак мукет'ёсыз кылем тулыс луэм тырмытэосты урокен карыса тулыс ю кизён азелы образцово дасяськызы. Соослэн ужан опытсы вань колхоз'ёслы примерен луыны кулэ.

Бусы уж'ёс борды кутскытозь дыр трос ик ёз ни кылы. Али быдэс общественностылы кутсконо тулыслы дасяськон борды. Эшшо одйг пол эскероно на колхоз'ёслэсь тулыслы дасяськэс но уждра кутонно тырмытэосты палэнтон понна. Та уезд возглавить кароно луо интысь первичной партийной но комсомольской организациос. Вис'ям колхозной агитатор'ёс та дыре мур-мур валэктоно луо когыкуд колхозниклы но колхозницалы ВКП(б)-лэн 18-тй Всесоюзной партийной конференциезлэсь материал'ёссэ. Мур изучать кароно СССР-лэн СНК-езлэсь но ВКП(б) ЦК-лэсь „Удмуртской АССР-ын сельскохозяйственной культураослэсь удалтолыкэс но пудо вордонлэсь продуктивностэс жутэм п о н н а колхозник'ёслэн ужамзылы ватсаса тырон сярэсь“ 1941 арын 6 мартэ постановленизэс. Та постановлениез изучать карыса эшшо но пасыкыт вольмотоно колхоз'ёс, бригадаос, звеноос но колхозник'ёс кустын соревнованиез.

Азымынсь бригадир


Ильинской сельсоветысь Мошкинлэн нимыныз нима колхозысь Клабуков эшлэн бригадаез 1941 арын котькуд гектаре 16 центнер ютысь будэтыны обязательство бастыз. Клабуков эш обязательствозэ быдэстыны понна бусы уж'ёслы, кизёнлы умой дасяське. Агромероприятности орчтон'я план лэстыз но колхозник'ёс пöлын валэктыз. Бригадалэн член'ёсыз тодо ини кытын но ма ужалозы соос ю кизён дыр'я.

Нимыстыз саклык вис'яське удобрениосты дасянылы. Люкамын, план'я 5 центнер интые, 10 центнер пень, 10 центнер г у р т тылобурдо кыед но бусые данак кыед поттэмын.

Кидыс'ёс тырмыт кистэмын но ваньмыз ик шертэмын. Сельскохозяйственной инвентарь быдэсак дась. Осконо луэ, что бригада бастым обязательствозэ уж вылын азинлыко быдэстоз.

Н. Пономарев, колхозлэн агрономез.

Италия но Англия кустын война.



Итальянской Сомалилэн территорияез вылын итальянской противотанковой орудие. ТАСС-лэн Фотоез.

РСФСР-лэн Верховной Советэзлэсь IV сессизэ люкан сярэсь

РСФСР-лэн Верховной Советэзлэн Президиумезлэн

УКАЗЭЗ

Российской Советской Федеративной Социалистической Республикелэн Верховной Советэзлэсь IV сессизэ люкано туэ 1 апреле Москва городын.

РСФСР-лэн Верховной Советэзлэн Президиумезлэн Председателез **А. БАДАЕВ**.

РСФСР-лэн Верховной Советэзлэн Президиумезлэн Секретарез **П. БАХМУРОВ**.

Москва, Кремль, 10 мартэ 1941 арын.

Сцена вылын пионер'ёс-дышетскисьёс

9 мартэ вал со. Культуралэн районной домез Чукина 9 часысен ик пинал куаросын тырмемын. Пинал'ёс самодеятельностэсь возматыны дасяськызы. Средней школаысь дышетскисьёс возмало купоосэс—мукет школаосысь пинал'ёсты: шудо шашкаосын, доминоен, лыдзо журнал'ёсты, кылзо патефон.

Вожатойзы, Оля Баранова котыре люкаськызы 5 классысь дышетскись пинал'ёс. Верало соос асьсэлэсь выступленилы дасяськемзэс.

Вую Яганской, Гожнинской но мукет школаосысь пинал'ёс.

Олимпиада усыйське М-Пургинской средней школаысь дышетскисьёслэн выступлениосынызы.

Дышетскисьёслэн хорзы, баянлэн шудэм улсаз, „Марш танкистов“ кырзанэн кугскиз аслэстыз программазэ. Залыя чалмыт, котькудиз бадзым саклыкэн кылзо хорлэсь советской патриот'ёслэсь кырзанзэс кырзамзэ. Сюлме пычамон кырзас хор „Черный ворон“ но „Рябинушка“ зуч калык кырзан'ёсты.

1-тй классысь Юра Солодко „Белорусская“ кылбурез но 2-тй классысь Паша Баранов „Оборона“ кылбурез веразы. Синмаськымон кырзасы Нина Варнина, Клава Дерюшева но Оля Мерзлякова „Орле-

нок“ но „Летят утки“ кырзан'ёсты.

Арганлэн шудэмез'я сцена вылэ потызы 5 но 6 класс'ёсын дышетскись ныл'ёс. Ваньмызлы кельшиз соослэн белорусской „Лявониха“ калык эктонэз эктэмзы. Кема кичапкон'ёсын келязы соосты учкисьёс.

Яганской неполной средней школаысь дышетскисьёслэн выступать каремзы сярэсь ивортэм бере ик залысь учкись пинал'ёс кутскызы кылем арын орчем олимпиада сярэсь вераськыны. Тросэзлы тодмо, что соку Яганской НСШ-ысь дышетскисьёс чебересь эктон'ёсты но кырзан'ёсты возматызы. Туэ но учкисьёс сое ик возматызы.

Учкисьёслэн возманзы уж вылын быдэсмиз. Ваньмызлы кельшиз хорлэн „Пограничники“, „Дороженька“, „Дальняя сторожка“ кырзан'ёсты быдэстэмез. Зырдыт кичапкон'ёсын келлялызы сцена выльсь З. Виноградоваез, С. Бесогоноваез, Е. Краснопероваез но Д. Бороздинаез. Соос синмаськымон исполнить каризы калык эктон'ёсты нимыстыз ик кельшиз украинской эктонэз эктэмзы.

Умой дасяськыса лыктыллям олимпиаде Бажановской но Гожнинской начальной школаосысь дышетскисьёс. Гожнинской начальной школаысь Агафонов Мишалэн „Милемлы

школьник'ёслы“ кырзанэз кырзамез, Дядюхин Кузьмалэн эктэмез, Бекмачев Аleshалэн „Азбарын“ кылбурез верамез залын пукисьёс пöлын трос вераськон'ёсты вызвать каризы.

Пöртэмлыко программаен олимпиадаын выступяты каризы Кечевской НСШ-ысь лышетскись пинал'ёс. Соос возматызы физкультурной номер'ёсты, кырзан'ёсты, декламациосты, эктон'ёсты но инсценировка. „Умой кырза“—шуса вераськызы пинал'ёс Пельтемов сярэсь.

* * *

Шулдыр но шудо будо советской нылпиос. Соослы таче шулдыр улон сетисьёс Ленин но Сталин сярэсь кырзало, декленировать каро соос. Кыче яратыса но зырдыт вераз олимпиадаын Яганской НСШ-ысь дышетскись Шадрина калык'ёслэн вождызы Сталинлы сизем „Идут за тобой миллионы“ кылбурез.

Асьме странаын бадзымесь луонлык'ёс вань пинал'ёслы таза будыны, бырыны котькыче профессия, луыны патриотэн. Яратыса будэто соосты, воспитывать каро родиналы преданноен коммунизмлэн духеныз советской дышетгисьёс.

Владимир Г.

А Г Р О П Л А Н ' Ё С

М-Пургинской сельсовет-
сь Буденныйлэн нимыныз
нимам колхозысь 2 №-ро
бригадаысь етйн'я 2 №-ро
звенолэн тулыс ю кизёнлы
дасяськон'я но сое ортчы-
тон'я агропланэз.
Звенолэн етйн кизён
площадез 7,5 гектар.
Предшественник'ёс 5,2
гектар клевер бервуд но
2,3 гектар выль выль.
Звено, шорлыдын, коть-
куд гектарысьтыз 3,9 цент-
нер шорокуспо номер'ем
етйн мертчан басьтоз.
Звенолэн составез:
Звеньевод—Фролов Мих.
Звенолэн член'ёсыз:
Логинова Татьяна,
Григорьева Василиса,

Кузьмина Анисия,
Кузнецова Анастасия.
Звено минеральной удоб-
рениос дася:
а) суперфосфат гектаре 3
центнер, ваньзэ 22,5 цент-
нер;
б) 40 процент'ем калий-
ной сылал 2 центнер, вань-
мыз 15 центнер.
Интысь удобрениосты
бичанлы план:
а) бичано пень 19,5 цент-
нер;
б) бичано гурт тылобур-
до кьед 2,5 центнер;
в) бичано кьед ву 75
центнер;
г) Мульчированылы 210,5
тонна торф дасяно.
0120 сорто етйн кидысэз

кизёно гектаре 1,35 кило-
грамм.
Етйн кидысэз протравить
карыны понна 1,5 кило-
грамм „Давыдовлэсь“ пре-
паратсэ басьтоно.
Звено борды юнматйське
2 вал, сельхозинвентарь пö-
лысь—2 плуг, одйг ком-
плект „зиг-заг“ усы.
Звенолы шедьтоно киды-
с'ёсты протравливать ка-
рыны вышкы, подкормкалы
тупатэм вышкы.
Колхозлы лэсьтоно: киды-
с чылкытатон машина
ВНИЛ горка, пу каток.
Звено вань уж'ёсты бы-
дэс'я т а ч е календарной
план'я:

М-Пургинской сельсове-
тысь Буденныйлэн нимыныз
нимам колхозлэн 1 №-ро
картофельной звеноезлэн
агропланэз.
Кизён площадь 3 гек-
тар.
Предшественник—кые-
дам му, Зег кизем бервуд.
Звенолэн составез:
Звеньевод Косоев Пегр.
Звенолэн член'ёсыз:
Логинов Илья,
Косоева Екатер.
Логинова Марфа.
Кизёнлы дасяськон
Дасяно минеральной
удобрение 1 гектаре таче
расчетэн: 1,5 центнер ка-
лийной сылал, ваньзэ 4,5
центнер.
Одйг гектаре 30 тонна
умой сисьмем кьед, ваньзэ
90 тонна.
Яровизировать кароно
60 центнер картошкаез.

Кизён музэ дасяно
Кын улэ гыремез кык
полэс усыяно.
Кьедэз 10—12 санти-
метре согоно.
Картошкаез мерттоно
междурядиез'я 50 санти-
метр но радаз 30 санти-
метр кусыпен.
Картошкаез мерттэм
бере капчи усыен 1 пöлэс
усыяно.
Картошка уд жузам
бере усыяно.
Нырысьсэ окучиваниез
10 сантиметр мурдалаен
ортчытоно но уроно.
Кыктэтйзэ окучивани-
ез быдэс мурдалаез'я орт-
чытоно но уроно.
Звеньевод **П. Косоев.**
Звенолэн член'ёсыз:
И. Логинов.
Е. Косоева.
М. Логинова.

К и з ё н л ы д а с я с ь к о н ' я

Б ы д э с т о н о у ж ' ё с	У ж ' ё с л э н б ы д з а л а з ы	Б ы д э с т о н л э н д ы р ы з (н у а л э н)	Б ы д э с т о н л э н к а л е н д а р н о й д ы р ы з	К и н б ы д э с т э
1. Бичано пень	19,5 цент.	7	12-III	Звенолэн член'ёсыз
2. Бичано тылобурдо кьед	2,5 цент.	бичамын тырмыт		Фролов.
3. — кьед ву	75 тонна	одйг	15-V	Григорьев.
4. Лэсьтоно кьед возён	одйг	5	10-III	Коростелев.
5. Ваёно минеральной удобрениосты	37,5 цен.	—	10-III	
6. Поттоно мульчированылы торф	210,5 тон.	дасямын тырмыт		
7. Льнотриерын но „ВНИЛ“ горкаын кидыс'ёсты сузяно	10,0	3	8-III	Фролов.
8. Кынтон'ёсын нюр'ясыкыны понна дымовой завеслы материал дасяно	дасямын тырмыт.			

К и з ё н д ы р ' я б ы д э с т о н о

Б ы д э с т о н о у ж ' ё с	А г р о м е р о п р и я т и о с ' я п о р я д о к	К и н б ы д э с т э
1. Удобрениосты поттон	Етйн кизёнлэн быдэс участказ, кизён азын, поттоно (гектаре) суперфосфат 3 центнер но 40 процент'ем калийной сылал 2 центнер. Жужам етйн вылтй подкормкаен поттоно кизертэм кьед ву, тылобурдо кьед, торфофекалий. Нырысьсэ урон ортчытэм бере будйсь етйн вылтй, гектараз 60--80 кг. дозаен, аммиачной селитраен подкормка ортчытоно. Умой будйсь етйнлэн участок'ёсаз калийной сылалэн подкормкаос ортчытоно. Одйг подкормкалы гектаре 1,0 центнер дозаен.	Фролов. Логинова. Григорьева. Кузьмина. Кузнецова.
2. Протравливать карон	Протравливать каронэз кизыны кутсковлэсь 2—3 нуаллы азвыл ортчытоно, 1 центнер етйн кидыс пöлы 150 грамм „Давыдовлэсь“ препаратсэ поныса	Фролов. Логинова.
3. Муз'емез ужан	Вазь тулыс бусые нырысьсэ потыны л у о н дыр'я кын улэ гыремез „зиг-заг“ усыен 3 пöлэс усыяно.	Кузьмина. Кузнецова. Григорьева.
4. Кизён	Кизёнэз вазь срок'ёсы ортчытоно	Фролов.

К и з е м е т ь н э з у т ь л т о н ' я

Б ы д э с т о н о у ж ' ё с	А г р о м е р о п р и я т и о с	К и н б ы д э с т э
1. Мульчирование ортчытоно	Кизем участказ быдэсак мульчировать кароно. Вöлдэм торфлэн зöкталаез луыны кулэ 1—1,5 сантиметр. Торфлэн 40 процент нюр-котэз луон дыр'я одйг гектаре вöлдоно 30—40 тонна. Мульчировать каронэз кизем бере ик ортчытоно.	
2. Етйн пöлысь жагез урон	7,5 гектар площадь вылын 3 пол урылонэз ортчытоно.	
3. Висён'ёсын нюр'яськон	Висён'ёсын фузариозэн, ржавчинаен но мукет'ёсыныз нюр'яськонэз ортчытоно.	Звенолэн вань член'ёсыз
4. Вредительёсын нюр'яськон	Етйнлэн вредительёсыныз етйн блошкаосын, долгоножкаослэн личинкаосыныз, совки-галинылэн гусеницаеныз нюр'яськонэз ортчытоно.	
5. Октон	Етйнэз вазь чуж вуонэз'я ишково.	

Звеньевод: **Фролов М. Ф.**

Звенолэн член'ёсыз: **Логинова Т., Григорьева В., Кузьмина А., Кузнецова А.**

Буденныйлэн нимыныз ни-
мам колхозысь 2 №-ро бри-
гадаын бакча сион'ёсты
мертгон'я 1 №-ро звенолэн
тулыс кизёнлы дасяськон'я
но кизёнэз ортчытон'я аг-
ропланэз.
**Банча сион'ёсты кизён
площадь 4 га**
Со пöлысь: кубиста 1,0 га,
кияр 0,5 га,
горд кушман 1,25 га,
чуж кушман 1,0 га,
сугон 0,25 га.
**Банча сион'ёсты кизён
предшественник'ёс**
Кияр, сугон, кубиста ки-
зиськозы выль выль. Горд
кушман но чуж кушман—
1 №-ро бусые кьедам муз,
Зег кизем бервудтй.
Звенолэн составез:
Звеньевод Коростелев
Звенолэн член'ёсыз:
М. Александрова,
У. Шукалова,
А. Логинова,
З. Фролова,
П. Григорьева,
М. Коростелева.
Звено таче минеральной
удобрениосты дасялоз:
Азотнойзэ 6,15 центнер;
Фосфоритнойзэ 16,00 цен;
Калийнойзэ 6,00 центнер.
Кубиста уд кизыны пон-
на 60 рамаен парник лэсь-
тэмын луоз.

Кубиста уд мерттэмын
луоз 1 гектаре 30 сюрс вы-
жы, сугон 1 гектаре 6 цен-
тнер, чуж кушман киземын
луоз одйг гектаре 6 кило-
грамм но горд кушман—16
килограмм.
Кизем'ёсты утялтон:
а) кубиста уд вылэ, нош
озы ик сое мерттэм бере,
умой пушйытозяз ву кись-
кан орчытоно суткалы 2
пол;
б) урон'ёсты орчыт'яно
жаг-турынлэн будэмез'я;
в) кубистаез пушйыны
кутскем бераз окучивать
кароно;
г) вредительёсын но ви-
сён'ёсын нюр'яськон ортчы-
тэмын луыны кулэ быдэс
кизем площадын;
д) подкормка орчытоно
кьед вуэн 2 пол.
Кубисталы подкормка
орчытоно нырысьсэ пуш-
йыны кутскыкуз но кыктэ-
тйзэ окучивать карон дыр'я.
Колхозлэн председателез
— **Косоев.**
Звеньевод— **Коростелев.**
Звенолэн член'ёсыз:
М. Александрова.
У. Шукалова.
А. Логинова.
З. Фролова.
П. Григорьева.
М. Коростелева.

Редактор—**В. Тимофеев.**

Я Л О Н

Удмуртской АССР-лэн
СНК-езлэн 14 февралэ 1941
арын 238 номеро постанов-
лениезлэн соответствиез'я
М-Пургинской Райсоветлэн
исполкомез ивортэ, что
20 мартысен 10 апрелёз
та аре колхозной но му-
кет егит'ёсты 17 арес'ем
пиос пöлысь лесной про-
мышленностья ФЗО шко-
лаосы призыв (мобилиза-
ция) ортчытэмын луоз.
ФЗО школае дышетскы-
ны пырыны мылкыд ка-
рисьёс 25 мартлэсь бере
кыльытэж райсоветлэн ис-
полкомаз куриськон'ёс сё-
тоно. Куриськон борды
вордскем сярсь но образо-
вание сярсь справкаос ку-
лэ луо.
Райсоветлэн испол-
комез.

Удмуртской госу- дарственной теа- трлэн М-Пургаын гастрольёсыз

14-тй мартэ Пургае Уд-
муртской государственной
театр лыктйз. Та жытэ
РДК-ын концерт возматэ-
мын вал. Концертнй учас-
твовать каризы РСФСР-
лэн заслуженной артистэз
К. А. Ложкин эш, Удмурт-
ской АССР-лэн заслужен-
ной артист'ёсыз В. К. Ви-
ноградова, К. К. Гаврилова,
А. Г. Колесникова, Г. П.
Овечкин эш'ёс.
Театр Пургаын выступать
кароз на 15-тй но 16-тй
мартэ. 15-тй мартэ жыт
театр возматоз Шапова-
ленколэсь „Тайгаын“ мело-
драмаз но 16 тй мартэ—
Ж. Мольерлэсь „Жорж
Данден“ комедиязэ.